

տելլիգէնտ դասը, իրրև տեղացի և տեղական հան-  
գամանքներին ծանօթ, մեծ ծառայութիւններ կա-  
րող էր անել: Կրթուած դասը, համարձակ կարող  
էր լուսաւորութեան ու քաղաքակրթութեան կա-  
րապետ հանդիսանալ, եթէ իւրաքանչիւր գաւառի  
Հայ ժողովրդի նիստն ու կացը, օգն ու ջուրը,  
հնութեան կնիք կրող սրբավայրերի, բերդերի ու  
ամրոցների այժմեան իսկական վիճակը լուսա-  
բանէր և հրապարակ հանէր: Բայց, տարաբախ-  
տաբար, մինչև այժմ մեր հասկացող և բանի-  
մաց դասը (աննշան բացառութեանց մասին չէ  
մեր խօսքը) ո՛չ մի քայլ չէ արել այս մասին: Այս  
իսկ պատճառով մեր մամուլը զրկուել է իւր հե-  
տաքրքրական նիւթերից, իսկ Հայ ժողովուրդը չա-  
րաչար տուժել է՝ մնալով խաւարամած տղխտու-  
թեան և յետադէմ անշարժութեան մահաբեր քնի  
մէջ: Ահաւասիկ ձեզ հզօր փաստեր: Հայ ընթեր-  
շողը աւելի ճիշտ և շատ տեղեկութիւններ ունի  
մեզանից հազարաւոր մզոններով հեռու գտնուող  
ազգերի, որպիսիք են ծայրագոյն արևելքում—  
Քորէացիների, Ճափոնացիների, Մանջուրիացինե-  
րի, Չինացիների, նոյն իսկ հարաւային Աֆրի-  
կայում՝ մինչև անգամ վայրենի Չուլուաների ու  
անօրինակ հայրենասէր և քաջամարտիկ Բօէրների  
մասին, քան թէ՛ մի բուն Ուտիացիների, բրոնք  
զարերից ի վեր ապրում են մեր քթի տակ (Նու-  
խու գաւառում): Թէպէտև մեր հին պատմաբան  
մատենագրներից միայն Մով. Կաղանկատուացին  
իւր պատմութեան էջերում շատ բաներ է ասել  
Ուտիացիների մասին, թէև մեր նորագոյններից